



Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 1. Proponitur ratio Difficultatis & opinio R. P. Georgij Gobat.

urn:nbn:de:hbz:466:1-37144

§. I.

*Proponitur Ratio Difficultatis, &
Opinio R. P. Georgii Gobat.*

Ratio dubitandi est hæc. Omnes, ad quos notitia de homicidio Caji, ex confessione Sacramentali derivata, pervenit vel immediatè, vel etiam mediatè tantum, saltem per illicitam & sacrilegam sigilli revelationem, sunt obligati sigillo. *Sup. à n. 199.* ita ut de peccato illo nec inter se, nec cum aliis loqui aut agere possint sine licentia pœnitentis; nec etiam quidquam dicere aut facere, nec à quoquam induci ad aliquid dicendum, aut faciendum, unde illorum aliquis, vel quisvis alius in cognitionem vel rationabilem suspicionem de illo Caji peccato venire possit. *Sup. n. 192.* atqui ad Confessarium notitia de homicidio Caji pervenit ex confessione Sacramentali immediatè, mediatis autem per illicitam revelationem ad omnes alios, quibus cinque publica fama de illo innotuit; ergo hi omnes sunt obligati sigillo; ergo nec Confessarius potest in Judicio fateri factam à se revelationem; nec ullus testis de ea, vel de fama ejusque veritate testificari; ne quidem si & ille, & iste loquatur tantum de revelatione alicujus peccati in genere. Nam etiam hoc modo jam dicerent, aut facerent aliquid, unde omnes audientes venirent in cognitionem vel rationabilem suspicionem commissi à Cajo homicidii, sic discurrendo: Illud peccatum Cagus commisit, quod Confessarius revelavit, & fateretur se ex ejus confessione revelasse, atque testes testantur; atqui juxta fa-

mam publicam, eamque vel veram iuxta testium elogia, vel saltem non improbabilem, Confessarius revelavit homicidium Caji; ergo Cagus verè, vel saltem non improbabiliter commisit homicidium. Confessarius itaque hic facendo, etiam generatim tantum & abstractè, sere velâsse aliquod peccatum Caji; & testes vel de revelatione, vel de ejus fama itidem tantum generatim testando, frangunt indirectè saltem sigillum; ergo jam in Judicio nec ille fateri, nec isti testimonium dare de hac re licetè possunt. Unde jam neque Judge potest eos licetè ad aliquid tale dicendum aut faciendum inducere; quia hoc ipso induceret eos ad indirectam sigilli violationem, quod non est licitum.

283. Hoc argumento convictus memoratus Autor, jam in cœlo, ut non minora virtutum quam litterarum decora sperare jubent, aeternâ gloriâ, doctorumque laureolâ coronatus, primum docuit; & post accepta duorum Theologorum, quos consuluit, Responsa, cum ei non satisfacerent, constanter tenuit, contra sigillifragum Confessarium non posse in proposito casu judicialiter procedi, sine expressa pœnitentis licentia; qui tamen etiam illam pro suo arbitrio, & quidem etiam irrationaliter possit, si velit, negare, negandoque processum impediri.

Quodsi fama spargat, à Confessario fuisse non determinatum, sed tantum indeterminatum aliquod Caji peccatum revelatum, tunc idem Autor censuit, Judicem posse in primis de fama, ejusque veritate generaliter inquirere; deinde speciali-

cialiter de ipso Confessario: & hunc posse quoque contra seipsum fateri delictum revelationis; nec non testes contra illum de eodem testificari; quia hic neque Confessarius fatendo, neque testes testando frangunt directè aut indirectè sigillum. Nam ex revelatione peccati in genere, de qua sola hic est fama; & tam Confessarius, quam testes loquuntur, nemo potest venire in cognitionem aut suspicionem alicujus peccati à Cajo commissi, & sub sigillo contenti; sed prorsus adhuc occultum & ignotum manet, an id, quod revelatum fuit, sit veniale vel mortale in specie, & quodnam illud; vel an sit mortale in genere. Unde jam nihil etiam obstat, quo minus Judex quoque contra Reum per testes in Judicio possit licet procedere.

Et ad posteriorem hunc casum quod spectat, potest quidem in eo utcunque servari sigillum inviolatum; quia tamen hoc modo non constat in Judicio de revelatione peccati, nisi tantum in genere, iteo Confessarius si neget, non videtur posse per tam generalem & obscuram testimoniū asseverationem latē convinci, condemnarique ad pœnam ordinariam, ut colligi potest ex dictis *sup. n. 279. v. si confessarius*. Ad processum ergo Judiciale, de quo hic sermo est, quia parum vel nihil facit iste posterior casus, eum consultò præterimus.

Sed loquendo tantum de priore, ita de eo ut dixi, sensit P. Gobatin anterioribus Quinarii sui editionibus. An in postrema Monacensi, quæ serè cum vita Autoris fuit finita, aliquid circa sententiam illam immutaverit, nescio, quia exemplum illius nondum habeo. Opti-

mus Pater, non multò antè, quam iterata illa suscipietur impressio, voluit pro insigni sui animi demissione, quā etiam à Discipulis Magister discere cupiebat, hac super re per litteras meum sentium exquirere; & quia scivi viro candido placere candorem, aperte respondi, prædictam opinionem mihi non probari obrationes, quas tunc in scripto inter alias occupationes de properato transmisit, & ille ipse non omnino nihil faciendas esse judicavit. Ex illis alias nunc ita hic propono.

§. II.

Impugnatur predicta Opinio.

284. Itaque I. si contra confessarium, de quo publica fama cum veritate spargit, revelali ex confessione v.g. homicidium à Cajo patratum, non potest Magistratus Ecclesiasticus judicialiter procedere inquirendo, testes examinando, reum confessum vel convictum puniendo &c. sine licentia expressa Caji; tunc sequitur, quod Jurisdictio & potestas publica Ecclesiae ad vindicanda puniendaque delicta publica, etiam enormia, atrocissima, & bono publico summè noxia (uti est violatio sigilli) non possit exerceri, nisi tantum dependenter à libera voluntate & consensu vel disseisu, etiam irrationali, unius alicujus privati hominis: atqui hoc non minus absurdum & falsum est, quam si diceretur, quod Jurisdictio & potestas publica Ecclesiae quoad obligandos suis legibus fideles non possit exerceri, adeoque eos ad illas non obligare, nisi dependenter ab arbitrio etiam irrationali populi; imo & unius tantum sui subditi & pri-